

L'erecziun de tegias e stallas ded alp el Grischun

Autor(en): **God, O.**

Objekttyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **15 (1941)**

PDF erstellt am: **22.07.2024**

Persistenter Link: <https://doi.org/10.5169/seals-881173>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

L'erecziun de tegias e stallas ded alp el Grischun

da O. God, cultur-ingenieur, Cuera

Quel che ha visitau l'exposiziun nazionala a Turitg, ha franc e segir era dau in'egliada sin ina partida models de tegias, stavel e stallas ded alp, exponi ella partiziun agricultura, e ch'ei per part gia realisai, ni che vegnan aunc a vegnir realisai en nossas alps grischunas.

Per destedar igl interess tier nos purs per quei rom della technica culturala de nosa tiara, less jeu aunc cuortamein demonstrar enzacontas caussas ord quest capetel de noss' economia alpestra e purila.

Las 820 alps de nies cantun cuvieran ina surfatscha de 3588 km² (kilometers quadrat), che corrispunda a circa la mesadad della surfatscha dil cantun. Tenor la statistica alpestra crodan sin quei territori ded alp 1949 km² pastira fritgeivla e productiva, 285 km² uaul ded alp e 18 km² palius ed auter terren nunfritgeivel. Sin igl entir territori de nossas alps savessan nus alpegiar onn per onn 70000 vaccas duront 90 dis. Quantan ins il pavel per ina vacca, duront quei temps, a proporziun cun il fein de ladretsch à frs. 1.50 per di, sche han nossas alps ina valeta annuala de pavel, che munta sin frs. 9450000.—. Ord quella cefra san ins aschi presapauc far in'idea tgei impurtonza economica nossas alps han per il puresser. Ei secapescha da sesez, che nosa puraglia sto sespruar de mantener la producziun dellas alps e ded aunc augmentar quella. Ina caussa essenziala leutier ei oravontut il stavel e la tegia, nua che las latgiras vegnan conservadas ed elaboradas e nua che la grascha serimna e vegn tratga a nez per bien e prò dil terren alpester. — Igl onn vargau eis ei stau exact 50 onns, ch' il Cussegl Grond de nies cantun ha concludiu, che las amegliuraziuns dellas alps hagian de vegnir subvenzionadas cun 15 0/0. Quei ei stau in'entschatta, che ha facilitau auters pass en quella direcziun entochen 1933, nua ch' il pievel ha acceptau cun gronda majoriad ils 10 de sett. la lescha nova ed igl uorden d'amegliuraziuns alpestras.

Dapi lu ha igl uffeci cantonal d'amegliuraziuns giu de s'occupar cun de tuttas sorts lavurs per il megliurament dellas alps: cun indrezs de schuar, cun canalisaziuns, cun vias ded alp, cun vias de pastiras e cun vias de menar grascha; cun erecziuns de stavel, tegias, tschalers e feclers; cun classenas, reservuars ed aschia vinavon. — La gronda part dils cuosts impundi da 1889—1938 per talas amegliuraziuns fan las expensas per stavel e tegias ora. Quei muossa la sequenta statistica:


Diember e caracter dils edificis	Surfatscha bagh. en m².	Cuosts en frs.
333 nuegls de vaccas e vadials	73789	3622692.58
36 camons de piertg	1589	117508.08
4 nuegls de cauras	456	29189.20
3 suladas de stavel	674	2656.49
6 gronds fanès sep.	254	21837.47
14 reservuars de broda sep.	643	47282.—
67 tegias cun tschaler de latg	6831	972337.84
20 tegias per la fumeglia	721	97885.87
2 tschalers de latg sep.	46	2338.50
485 objects		frs. 4913718.—

Ord la sura statistica vesa scadin, che nies cantun ha spendiu bia bials danners per amegliuraziuns ded alp e principalmein per l'erecziun de tegias, tschalers de latg, tschalers de caschiel, per stavels, per stallas, camons de piertg, per vias ect.

Nus savein, che la pluralitad de nossas alps posseden aunc oz tegias malpraticas e muncusas, e ch'ei il bia plazzadas leu, nua ch'ils pursanavels cartevan ch'ei seigi il pli adattau — mo senza haver adina giu il meglier egl persuenter. Dal temps ch'il pur mava aunc sez a chischar siu latg, possedeva ina singula alp pliras tegias, ch'il pur, ni zaconts ensemen, vevan baghiau sez e che fan oz la pareta de muschnas-crappa. Pli tard, cura ch'ins ha entschiet a pladir signuns ein ins stai necessitai de baghiar meglieras tegias; quellas ein tscheu e leu empau pli grondas, mo bia meglieras che las veglias ein ellas bucl!




Vischnaucas e pursanavels, ch' ein intenzionai de mantener sauns fumeglia, biestga e latgiras, ein oz senza dubi necessitai, ni schizun sfurzai de baghiar stavel, tegias e tschalers tenor ils principis moderns, q. v. d. che van a prau cun las pretensiuns dil temps hodiern.




Per dar in'idea dagl indrez e cundrez hodiern de stallas e tegias, baghiadas tenor principis pratics, technics e moderns, mussein nus cheu enzaconts maletgs de talas, eregidas ils davos onns en ina partida de nossas alps. Nus mussein gl'emprem las stallas dell' alp „Nadels dadens“, Trun, baghiadas 1936, e che porschan plaz per 160 vaccas, sco era il camon de pors, per 76 tocs, cun cuort — ella medema alp. Quels baghetgs ein eregi en in plaun bunamein uliv, ed ein relativamein bassas e liungas. Era il tierz maletg,

che representa la tegia de „Nadels dadens“ ei in edifices, baghiaus tenor principis technics comprovai. En in liug segirs dallas lavinas, sco en questa alp de Trun, ei quei il sulet ver tip. El ei pratics, solids e porscha tuts avantatgs per ina bun'economia alpestra.




In auter tip fetg adattau per stallas e tegia en in liug spundiv (Gestaffelter Stall), representan ils baghetgs novs dell' alp Grava, vischnaunca S. Martin, per 64 vaccas. — Quella moda e maniera d'ereziun ei fetg adattada sin alps spundivas cun prighel de lavinas.



Per illustraziun digl interior de tegia e stalla, tschentein nus cheu dus maletgs dils baghetgs dell' alp Grava, q. v. d. intagls da surengiu atras la tegia

e la stalla. Quels dus delucideschan tut il necessari pertenenent igl interiur e siu indrez.

Il grond avantatg d'ina tegia moderna ei la stiva, ni dormitori (treglia) della fumeglia. Quei liug aschi impurtont per il beinstar corporal della fumeglia, sto buca pli vegnir plazzaus en tshaler de latg, ni visavi la furnascha e tshaghegna, sco igl ei aunc uss il cass tscheu e leu en biaras de nossas alps. En tegias novas, che san vegnir construidas en in plaun, vegn la treglia,



ni stiva, eregida sur il tshaler de latg e spazi della tegia en, pia ell' alzada su. Leu eis ei pusseivel de drizar en létgs — e de haver uorden e mantener tut proper e bi!

Che quei sa oz vegnir realisau, muossa in tagl da surengiu, fatgs dad ina tegia dil tip „Nadels dadens“ (mira: las duas figuras cun tagls atras il tshaler e tras la tegia davon en).

Ils dus auters plans muossan co ina tala tegia ves' ora per plaun en — mirau da surengiu. Scadin lectur sa s'orientar sez per mauns de quels maletgs, senza ch'ei seigi basegns de piarder pli bia plaid.

Ei secapescha da sesez, ch' igl architect, ni cultur-ingenieur, sto adina quintar cun las relaziuns dil sulom, e quei da cass tier cass e ch' ils models mussai restan en principi bein pli u meins ils medems, mo san haver en in' alp u l' altra pli grondas e pli pintgas variantas.

